



Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh



Meriah ukurta pulung bas mengketi kebaktin minggu Trinitatis enda, eme minggu ija Gerejanta ngejapken Keleng ate ras pengarak-ngarak Dibata arah pengidahta kerna Dibata Si Telu Sada, eme Dibata Bapa, Anak, ras Kesah Si Badia. Minggu enda iajuk kita ngejapken kiniersadan Dibata alu nehken padanNa si ibenaken arah Dibata nepa doni ras isina seh ku karya keselamatanNa arah Tuhanta Jesus Kristus, ras bage pe penemani Kesah si Badia seh ku pendungi jaman.

Erkata Lonceng

(Perp. Tedis)

Rende

KEE No. 218 : 1, 3

(Serayan Kebaktin Bengket Ku Mimbar)

Kebaktin Minggu
Tanggal 30 Mei 2021
Minggu Trinitatis (Dibata Si Telu Sada)

3	Votum – Salam <i>(Perp. Tedis)</i>
L	I bas gelar Dibata Bapa, AnakNa Jesus Kristus Tuhanta, ras i bas gelar Kesah Si Badia. Kejuah-juahen jadi sikerajangen kalak si ngerembakken dirina ras Dibata, bagepe si njagai kiniersadanna ras Dibata. Kekelengen ras kemuliaan Dibata si nemani kegeluhendu genduari nari seh rasa lalap. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Enggo ibereken BapangKu kerinana man bangKu. Ise pe la nandai Anak seakatan Bapa, janah ise pe la nandai Bapa seakatan Anak ras kalak si man bana enggo ipetangkasken Anak e” (Matius 11 : 27). Erpalasken Kata Dibata enda, sipuji IA arah ende-endenta : KEE No. 310 : 1, 2
5	Pujin Man Dibata Bapa, Anak Ras Kesah Si Badia <i>(Perp. Kundul)</i>
L	Dibatanta erdolat dengen erkuasa, enggo itepaNa langit ras doni, rikut ras kerina isina alu mehuli.
P	Ipuji kami Kam Tuhan. Kam Dibata si erdolat dengen erkuasa.
L	Jesus Kristus si enggo reh ku Doni enda. Reh IA maba perdamen ras keselamatan arah kematen i kayu persilang. ItalukenNa kematen jenari nangkiah ku Surga guna nikapken ingan man manusia.

P	Ipuji kami perbahanenNdu simbelin. KematenNdu nelamatkan kami si perdosa.
L	Dibata tetap njagai dingin mere kepentaren man banta arah Kesah Si Badia seh maka la kita melumang dingin talu ibahan doni enda.
P	Ipuji Kam O Tuhan, gegeh ras kepentarenNdu kap, si erbahan kami ngasup naluken perbeben doni enda.
L	Sipenangkih pujinta man Dibata si Telu Sada alu ngendeken : KEE No. 213 : 1, 2, 3
6	Kinata Kegeluhen Manusai
L	Dibata enggo ncidahkan kemuliaanNa, mereken perkuah ateNa arah Jesus Kristus, ras njagai kegeluhenta arah Kesah si Badia. Sigejab nge ndia pendahin Dibata e i bas kegeluhenta ? <i>(Paksa Teneng)</i> Mari tole siakuken dosanta arah ende-endenta : KEE No. 377 : 1, 2
7	Berita Pengalemi Dosa <i>(Perp. Tedis)</i>
L	Itandai Dibata nge manusia i bas kinilangsupenna ngerembakken diri man Dibata Si Badia, maka niNa : <i>“Kutamaken me Undang-undangKu ku bas pusuhna, janah Kusuratken me ku bas ukurna”</i> Tole nina, <i>“Kulupaken me dosa-dosana ras perbahanenna si jahat”</i> (Heber 10 : 16b, 17). Bagem nina Dibata man bandu kerina. Amin. Sipenangkih pujinta erkiteken dosanta enggo ialemi Dibata, arah ende-endenta : KEE No. 402 : 1, 2

8	Kata Dibata <i>(Perp. kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Jesaya 6 : 1 - 8 . Mari siogeken secara pegancih. Sibenaken pengogenta
<u>Dibata ndilo Jesaya jadi nabi</u>	
6:1 L	I bas tahun kematen Raja Usia, kuidah TUHAN. IA sanga kundul i kursi kemulianNa si meganjang, janah jubahNa ndemi kerina Rumah Pertoton.
6:2 P	I sekelewetNa tedis malekat serafim si ernala-nala bagi api. Teptep serafim lit enem kabengna. Dua kabengna nutupi ayona, dua nari nutupi nahena, janah alu kabengna si dua nari kabang ia.
6:3 L	Silebuh-lebuhen ia nina, “Badia, badia, badia! TUHAN si Mada Kuasa badia kap! Doni enda dem alu kemulianNa.”
6:4 P	Palas Rumah Pertoton e mugur-ugur ibahan sorana janah Rumah Pertoton e dem alu asap.
6:5 L	Erkitekten si e ningku, “Cilaka aku, lanai lit arapen man bangku. Bene me aku sabap alu matangu enggo kuidah Raja, TUHAN si Mada Kuasa, adi tep-tep ranan si mentas arah biberku dosa kerina, janah aku pe ringan i tengah bangsa i ja tep-tep kata si ibelaskenna dem alu dosa.”
6:6 P	Kenca bage sada i bas malekat srafim ndai nari kabang ndahi aku. Ibabana rara si ibuatna i bas batar-batar persembahen nari alu jepit-jepit.
6:7 L	Ikuitna biberku alu rara ndai, jenari nina, “Rara enda enggo ngkenai biberndu, e maka genduari salahndu enggo masap janah dosandu enggo ialemi.”
6:8 P	Kenca bage kubegi Tuhan ngerana nina, “Ise ndia Kusuruh? Ise ndia nggit maba berita i bas Aku nari?” E maka ningku ngaloi, “Aku, suruhlah aku!”

	<p>Ketuahen kalak si megiken kata Dibata, dengen si makekenca i bas geluhna si tep-tep wari, Haleluya.</p> <p>Ialoi perpulungen alu ngendeken :</p> <p><i>Haleluya Haleluya Haleluya</i></p>
b	Ertoto guna Khotbah
c	Khotbah : Johanes 3 : 31 - 36.
	Tema : <i>“Persuruhan Si Dem Kesah Dibata”</i>
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.</p>
10	Persembahen <i>(Perp. Kundul)</i>
L	<p>Marilah siendesken persembahen pengataken bujurta man Tuhan rikut ras pengakun keriahen ukurta bagi siakuken raja Daud i bas 1 Kronika 29 : 17, nina :</p> <p><i>“Kueteh maka Kam si nguji pusuh peraten dengen meriah iakapNdu ras bangsa si ertutus ate. I bas pusuh peraten si bersih ras bujur, meriah ukurku merekenca enda kerina man baNdu, janah kuidah kuga bangsaNdu si enggo pulung i jenda alu meriah ukur maba persembahen-persembahen man baNdu”</i></p>

	<p>Tupung sisehken persembahenta, ras kita rende I bas : KEE No. 450 : 1, 2</p> <p>Pertoton Persembahen ras Syafaat</p>
11	<p>Perpadanen Man Dibata <i>(Perp. Tedis)</i></p>
L	<p>Dibata me simereken kegeluhen, jenari ibereNa kegeluhen si mbaru man bandu arah Jesus Kristus, janah tetap ipelimbaruni gegehndu arah Kesah si Badia.</p>
P	<p>Erpadan aku Tuhan, ateku ngergaken kegeluhen si iberekenNdu Erpadan aku Tuhan, tetap ngusih perbahanenNdu, si enggo ituduhkanNdu i bas Jesus Kristus. Erpadan Aku Tuhan, tetap makeken kepentaren si enggo ijukurkenNdu arah Keash si Badia.</p>
L	<p>Guna mpeteguhi perpadanenta man Dibata, rende kita i bas : KEE No. 381 : 1, 2</p>
12	<p>Pertoton Tuhan</p>
13	<p>Pengutusen Ras Pasu-Pasu Dibata</p>
L	<p>Berelah perukuren ras kinitekenndu ipelimbaru Dibata, alu bage ngsup kam njagai dirindu, bagepe njagai persadandu ras perpulungenNa i bas keleng ate. Guna si e, alokenlah pasu-pasu idur Dibata nari : <i>“Kemalemen ate si rehna i bas Dibata nari, si la terukuri manusia, e lah singarak-ngarak kegeluhendu erpalasken persadandu ras Kristus Jesus”</i> Amin.</p>
	<p>Ialoi perpulungen alu ngendeken : A..min A....min Amin</p>
	<p><i>SELAMAT HARI MINGGU/SYALOOM.....</i></p>